

那印劍是他本宗祖來傳度法錄好事裏行用的有怎生可憐見呵將這印劍發回他本山宗師收掌依舊好事裏行用怎生奈何奉聖旨昨日省官每也這般說來印和劍將到這裏放着有這是先生每法錄裏頭用的恰待救人與的張上卿去既這般呵如今喚將張上卿這裏來分付與他文他發付與三茅山宗師收掌依舊流傳法錄好事裏用者廷與省家文書交那裏官司知道著麼道聖旨了也欽此除外具呈照詳都省咨請欽依施行准此省府除已行下建康路欽依施行外合下仰照驗欽依施行須議割付者

古剞付三茅山掌教真人准此

上清傳真圖序

夫高棲林嶺必先抗青雲之志涵濡玄味必遠尋丹水之源凡學有傳孰大於道是以古之學道者以得師為急為師者以得人為難而況仙者非有求於人道者初不假於外准當爰清爰靜歸心歸誠所冀真靈感應耳信者功德之母感者進修之賊可不慎歟華陽

洞天自漢三茅君飛昇于此魏晉而降仙者棲式神君仙人之所主治雲樞霞佩之所游集蓋地上之天宮人間之仙境故昔人謂道門華陽猶儒門洙泗欲以凡言讚歎彌覺費辭上清玉虛真人劉君大彬命工傳寫祖師真像自紫虛元君凡四十五代俾孟頫又作小傳附書其後藏之山中以貽來葉俾知傳授之緒希心存目注無墜玄風竊惟茲山之靈異斯道之顯揚皆自貞白真人陶君著書立言網羅搜訪不遺餘力故茅魏遐躅尚獲彷彿於無言之表揚許舊迹猶可追想於既逸之餘慨然遠懷神情飛越嗟乎安得從陶真人於雷平柳泝之間執弟子禮以供筆硯之役乎庶幾考槃阿鑑性泓潭草木未食以終餘年志願畢矣豈敢觀長生不死神仙輕舉耶延祐七年庚申歲九日前翰林學士承旨榮祿大夫知制誥兼修國史趙孟頫序

茅山志卷之三十三

純陽帝君神化妙通紀序

帝一

吾道或以神通誘接塵俗或以藥物救濟善良委順曲成隨機方便大慈大化會歸冰炭歸一源至願至仁備衆德不居一德悟不空之未始了无生之有玄論其微言辭難盡悟其的擬議即違不可智識以度思當在精誠而默會不揣并觀管量於諸經集唐宋史傳據收實跡削去浮華績成一百二十化析為六卷每章就和詩詞彙章直說目之神化妙通紀使同心志士閱卷朗然得觀天象默會道微明通无極重玄了徹純陽至妙圓通无上道真得先天春不自誠意集成高明公心靜鑑自然不迷異運直造天衢矣金陵中和老默子苗善時敬序引

制詞

皇帝若曰大道開名可致無為之化至真在
 宥迄成不宰之功朕以祖宗獲成基構若稽
 昭代雅慕玄風自東華垂教之餘至重陽開
 化之始真真不昧代代相承有感遂通无遠
 弗屆雖前代累承褒贈在朕心猶嫌追崇特
 乃命儒臣進加徽號惟東華以稱帝君增紫
 府少陽之字其正陽純陽海蟾宜錫真君名
 丹陽以下七真俱號真人載在方冊傳之萬
 世意漢世之張道陵唐朝之葉法善俱錫天
 師之號未為道紀之榮當代不聞異辭後來
 立為定制朕之所慕或庶幾焉

東華教主可贈東華紫府少陽帝君
 正陽鐘離真人可贈正陽開悟傳道真君
 純陽呂真人可贈純陽演正警化真君
 海蟾劉真人可贈海蟾明悟弘道真君
 重陽王真人可贈重陽全真開化真君
 宜令掌教光先體道誠明真人張志敬執行
 准此

至元六年正月 日

上天春命

皇帝聖旨昔聞

太上教聞全真法天地之常經因陰陽之大
 順始東華之變現訖于開化之垂緣由漢及
 唐必曠代而至人出以金繼宋際熙朝而玄
 統彰恢其象妙之門鎮以无名之朴或得意
 忘象涵泳於靈樞或駭星御龍飛遊於紫極
 不可聞不可見惟與造物者為徒儻然往儻
 然來亦曰隨時而示應今載傳於後裔猗叶
 贊於元功益殊級之循加俾宗風之未絕除
 始祖東華帝君別議旌崇餘仰主者一例施
 行

正陽開悟傳道鐘離真君可加贈正陽開
 悟傳道垂教帝君
 純陽演正警化呂真君可加贈純玉演正
 警化孚佑帝君
 海蟾明悟弘道劉真君可加贈海蟾明悟
 弘道純佑帝君
 重陽全真開化王真君可加贈重陽全真
 開化輔極帝君

右付玄門演道大宗師掌教凝和持正明素
 真人苗道一收執准此
 至大三年二月 日